



# SLUŽBENE NOVINE

## KANTONA SARAJEVO

Godina XXIII – Broj 42

Četvrtak, 11. oktobra 2018. godine  
SARAJEVO

ISSN 1512-7052

### KANTON SARAJEVO

#### Vlada Kantona Sarajevo

Na osnovu člana 26. i člana 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), u skladu sa Strategijom za borbu protiv korupcije Kantona Sarajevo 2018-2019. i Akcionim planom za provedbu Strategije za borbu protiv korupcije Kantona Sarajevo 2018-2019. ("Službene novine Kantona Sarajevo", broj 19/18), Vlada Kantona Sarajevo, na 144. sjednici održanoj 02.10.2018. godine, donijela je

#### ODLUKU

#### O REGISTRU IMENOVANIH LICA U KANTONU SARAJEVO

##### Član 1.

(Predmet regulisanja)

- (1) Ovom Odlukom propisuje se način vođenja Registra imenovanih lica u Kantonu Sarajevo (u daljem tekstu: Registar), obaveza unosa podataka, obim i mjera obrade podataka, vremenski period obrade podataka, odgovornost za autentičnost i tačnost podataka, rokovi unosa i brisanja podataka i uređuju druga pitanja koja se odnose na Registar.
- (2) Podaci koji se unose u Registar utvrđeni su Zaključkom Vlade Kantona Sarajevo broj 02-05-34264-13/17 od 30.11.2017. godine.

##### Član 2.

(Primjena Odluke)

Ovu Odluku dužni su primjenjivati svi organi uprave i službe, javne institucije na nivou Kantona Sarajevo, koje se finansiraju iz Budžeta Kantona Sarajevo, institucije nad čijim radom ministarstva vrše nadzor, javna preduzeća, javne ustanove, fondovi, zavodi čiji je osnivač Kanton Sarajevo (u daljem tekstu: Institucije).

##### Član 3.

(Svrha uspostavljanja Registra)

Registar iz člana 1. ove Odluke, služi kao evidencija podataka o imenovanim licima u Institucijama iz člana 2. ove Odluke koji obnašaju javne funkcije u Kantonu Sarajevo, a u svrhu praćenja mogućih pojava sukoba interesa i blagovremenog djelovanja.

##### Član 4.

(Vođenje Registra)

- (1) Na osnovu podataka Institucija iz člana 2. ove Odluke, Zavod za informatiku i statistiku Kantona Sarajevo (u daljem tekstu:

Zavod) formira jedinstvenu bazu podataka putem automatskog preuzimanja, objedinjujući podatke primjenom odgovarajućih parametara.

- (2) Tehničko uputstvo za unos podataka izradit će Zavod i učiniti dostupnim putem internet stranice Vlade Kantona Sarajevo.
- (3) Upravljanje Registrom, praćenje rokova za unos i brisanje podataka, reagovanje prema Institucijama u slučaju nepoštivanja ove Odluke u bilo kom segmentu u nadležnosti je Ureda za borbu protiv korupcije i upravljanje kvalitetom Kantona Sarajevo (u daljem tekstu: Ured).

##### Član 5.

(Sadržaj Registra)

- (1) Sve Institucije iz člana 2. ove Odluke u Registar unose (evidentiraju) slijedeće podatke o imenovanim licima:
  - a) Ime i prezime,
  - b) Funkcija imenovanja,
  - c) Institucija u koju je izvršeno imenovanje,
  - d) Datum početka obnašanja funkcije,
  - e) Datum kraja obnašanja funkcije,
  - f) Da li je predviđena naknada za obnašanje funkcije,
  - g) Institucija u kojoj je imenovano lice zaposleno,
  - h) Naziv radnog mjesta,
  - i) Status vlasništva pravnog lica u kojem je imenovano lice zaposleno,
  - j) Saglasnost rukovodioca u slučajevima predviđenim zakonom,
  - k) Ukupan broj funkcija na koje je izvršeno imenovanje,
  - 1) Da li je popunjena izjava da imenovano lice nema privatni finansijski interes ili interes po drugom osnovu u organizaciji u kojoj obavlja funkciju.
- (2) U slučaju da imenovano lice, po isteku perioda iz stava (1), tačka e) ovog člana nastavi obnašati funkciju, a o tome ne bude donesena posebna odluka/rješenje koja bi podlijeerala unosu podataka u Registar, Institucija je dužna odmah, a najkasnije u roku od 7 dana od datuma kraja obnašanja funkcije u pisanoj formi obavijestiti Ured o navedenom.

##### Član 6.

(Obaveza unosa podataka)

- (1) Institucije iz člana 2. ove Odluke, u kojima je izvršeno imenovanje, dužne su u roku od 15 dana od dana imenovanja unijeti podatke navedene u članu 5. stav (1) ove Odluke.
- (2) Institucije iz člana 2. Odluke dužne su imenovati ovlaštene i odgovorne osobe za unos podataka, koje će imati posebne korisničke šifre za unos.

- (3) Podatke o ovlaštenim osobama iz stava (2) ovog člana Institucije će dostaviti Uredu i Zavodu u roku od 7 dana od dana imenovanja.
- (4) Nepostupanje u skladu sa odredbama iz stava (1) ovoga člana predstavlja povredu službene dužnosti, odnosno povredu radne obaveze.

Član 7.

(Obim i mjera obrade)

Podaci o imenovanim licima iz člana 5. ove Odluke mogu se obrađivati u obimu i mjeri koji je neophodan za ostvarenje svrhe iz člana 3. ove Odluke.

Član 8.

(Vremenski period obrade)

- (1) Podaci o imenovanim licima iz člana 5. stav (1) ove Odluke obrađuju se za vrijeme trajanja perioda imenovanja, odnosno godinu dana nakon isteka perioda imenovanja, razrješenja, odstupanja sa imenovane funkcije ili drugog načina prestanka obnašanja imenovane funkcije.
- (2) U slučaju da imenovano lice, bez donošenja posebne odluke/rješenja, ostane na imenovanoj funkciji nakon isteka perioda imenovanja, podaci će se obrađivati za period faktičkog obnašanja imenovane funkcije i godinu dana računajući od dana odstupanja sa imenovane funkcije.
- (3) Period obrade podataka može se mijenjati u slučaju da se promijene zakonski ili podzakonski propisi koji tretiraju predmetnu oblast.

Član 9.

(Autentičnost i tačnost unesenih podataka)

- (1) Za autentičnost i tačnost unesenih podataka odgovorne su Institucije iz člana 2. ove Odluke.
- (2) Pogrešno ili netačno unesene podatke u Registar, Institucije iz člana 2. ove Odluke dužne su ispraviti odmah, a najkasnije 7 dana po saznanju.

Član 10.

(Izmjena, čuvanje i korištenje podataka)

- (1) Zavod vrši obradu svih podataka koje unose Institucije iz člana 2. Odluke, te vrši objavu na internet stranici Vlade Kantona Sarajevo.
- (2) Svaka izmjena unesenih podataka se može utvrditi po zahtjevu Institucije iz člana 2. Odluke, Vlade Kantona Sarajevo, Tima Vlade Kantona Sarajevo za borbu protiv korupcije i Ureda.
- (3) Podaci koje u Registar unose ili dostavljaju Institucije iz člana 2. ove Odluke čuvaju se i štite na način kao i drugi podaci na internet stranici Vlade Kantona Sarajevo.
- (4) Podaci Registra su javni i dostupni na internet stranici Vlade Kantona Sarajevo <http://il.ks.gov.ba>.

Član 11.

(Nadzor nad primjenom Odluke)

- (1) Odredbe ove Odluke obavezno se primjenjuju na sve Institucije iz člana 2. Odluke.
- (2) Nepostupanje po odredbama ove Odluke predstavlja povredu službene dužnosti, odnosno povredu radne obaveze i kao takvo može biti osnov za pokretanje postupka utvrđivanja odgovornosti i poduzimanje mjera od strane poslodavca i/ili Vlade Kantona Sarajevo kao predstavnika osnivača Institucija.
- (3) Nadzor nad primjenom Odluke vrši Ured.

Član 12.

(Stupanje na snagu Odluke)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-33386-7/18  
02. oktobra 2018. godine  
Sarajevo

Premijer  
Adem Zolj, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka) i člana 146. stav (3) Zakona o srednjem obrazovanju ("Službene novine Kantona Sarajevo", broj 23/17), Vlada Kantona Sarajevo, na 145. sjednici održanoj 04.10.2018. godine, donijela je

**ODLUKU**

**O DAVANJU SAGLASNOSTI ZA IMENOVANJE  
DIREKTORA JAVNE USTANOVE CENTAR ZA  
SLUŠNU I GOVORNU REHABILITACIJU SARAJEVO**

**I**

Daje se saglasnost Školskom odboru Javne ustanove Centar za slušnu i govornu rehabilitaciju Sarajevo, da se Meliha Powlakić-Hadžiefendić, diplomirani defektolog surdoaudiolog, imenuje za direktora Škole.

**II**

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-33952-2/18  
04. oktobra 2018. godine  
Sarajevo

Premijer  
Adem Zolj, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Prečišćeni tekst i 37/14 - Ispravka), člana 34. Zakona o ustanovama ("Službeni list RBiH", br. 6/92, 8/93 i 13/94), člana 4. Zakona o ministarskim, vladinim i drugim imenovanjima Federacije BiH ("Službene novine Federacije BiH", broj 12/03, 34/03 i 65/13) i člana 16. stav (5) i 25. Odluke o osnivanju Javne ustanove "Centar za napredne tehnologije u Sarajevu", broj 01-05-26159/18 od 26.06.2018. godine, Vlada Kantona Sarajevo, na 144. sjednici održanoj 02.10.2018. godine, donijela je

**RJEŠENJE**

**O IMENOVANJU VRŠILACA DUŽNOSTI  
PREDSJEDNIKA I ČLANOVA NADZORNOG ODBORA  
JAVNE USTANOVE "CENTAR ZA NAPREDNE  
TEHNOLOGIJE U SARAJEVU"**

**I**

Za vršioce dužnosti predsjednika i vršioce dužnosti članova Nadzornog odbora Javne ustanove "Centar za napredne tehnologije u Sarajevu" imenuju se:

1. Prof. dr. Izet Bijelonja, predsjednik
2. Semir Sefić, dipl. ing. mašinstva, član
3. Rijad Kovač, magistar evropskih studija, član.

**II**

Mandat vršilaca dužnosti predsjednika i članova Nadzornog odbora iz tačke I ovog Rješenja traje do okončanja procedure po javnom oglasu za izbor i imenovanje predsjednika i članova Nadzornog odbora Javne ustanove "Centar za napredne tehnologije u Sarajevu", a najduže tri mjeseca od dana imenovanja.

**III**

Ovo Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-05-33386-9.2/18  
02. oktobra 2018. godine  
Sarajevo

Premijer  
Adem Zolj, s. r.

Na osnovu člana 26. i 28. stav (3) Zakona o Vladi Kantona Sarajevo ("Službene novine Kantona Sarajevo", broj 36/14 - Prečišćeni tekst i 37/14 - Ispravka), člana 25. Zakona o ustanovama ("Službeni list RBiH", broj 6/92, 8/93, 13/94), člana 4. Zakona o ministarskim, vladinim i drugim imenovanjima